

ՅԱՐՈՒԹԻՒՆ ՎՐԴ. ՄԱՐՁԱՆԵԱՆ, ՇԻՐԱԿԵՑԻ.— Առ. Սեւանի (1861—1870). հրատարելով իր պաշտօնէն ուխտաւորութեամբ կ'այցելէ Ս. Յակոբի վանքը. յետոյ կը վերադառնայ Սեւան և հոն կը վախճանի 1896ին. (Ազգգր. Հան. էջ 66):

ՅԱՐՈՒԹԻՒՆ ՎՐԴ.— Մբ. Լիմ Անապատի. ուխտաւորութեամբ կ'այցելէ Ս. Յակոբի վանքը. նոյն Անապատի վրդ.նեւրէն Կէնճէցի Յովհաննէս և Յակոբ 1749ին Յարութիւն վրդ.ի տրուած յանձնարարականին միջոցաւ նախ խնդակցութիւն կը յայտնեն Նալեան Յակոբ պարք.ի որ Երուսաղէմի պատրիարքութիւնը ընդունած է և յետոյ կը խնդրեն որ սեծախաւսակ Յարութիւն վրդ.ի նուիրակութեան կոնդակ մը տրուի: Յովհաննէս վրդ.ի կնիքի թուականն է ՌՃՀ (=1721). Յակոբ վրդ.ինը ՌՃՂԲ. (1743):

ՅԱՐՈՒԹԻՒՆ ՎՐԴ.— Մբ. Զռ. 1692ին Ամբեցի Մինաս պարք.էն Ս. Յակոբի մէջ (Տե՛ս Մինաս պարք.ի Օրագրութիւնը):

ՅԱՐՈՒԹԻՒՆ ՎՐԴ.— Մբ. Նւ. Թօգատի 1795ին:

ՅԱՐՈՒԹԻՒՆ ՎՐԴ.— Մբ. Նւ. Վրաստանի 1792ին:

ՅԱՐՈՒԹԻՒՆ ՎՐԴ. ՊԱՆՏՐՄԱՑԻ.— Մբ. Զռ. 1742ին. Նւ. Կարնոյ (1769—71): Յարութիւն վրդ. իր նուիրակութեան պաշտօնը կը յիշէ Դիոնիսիոս Արիսպազացւոյն ձեռագիրին (ՄՁ. Թ. 2619) յիշատակարանին մէջ. իր հետեւեալ ինքնագիր ծանօթագրութիւնովը. «ես տրուպս յամենայնի Յարութիւն վարդապետս. և ծայրագոյն նուիրակ Սաղիմոյ. առաքեալ ի քաղաք Կարին... բազմատենչ ըղձամբ... մատենի Սրբոյն Դիոնիսիոսի. և ո՛չ գտանէի ընտիր օրինակ» (Շ. Գ. էջ 22): Յարութիւն վրդ. յետոյ 1772ին Ստեփանոս Լեհացիին թարգմանութենէն օրինակել կուտայ զայն իր աշակերտին՝ Կարնեցի Յովհաննէսի ձեռքով: Նոյնը յետոյ իր արդիւնքովը կ'ստանայ 1774ին Հնդկաց նուիրակ Յովհաննէս վրդ. Համատանցին: Այդ ձեռագիրը կը գտնուի այժմ Բրիտ. թանգարանին մէջ (Ան). էջ նոյն): Յարութիւն վրդ. 1743ին Ս. Յակոբի մէջ ընդօրինակած է նաև *Ձեկ ընդդէմ Է. գրիսեան վիշապիև եւ Մեկև. Ստղմոսաց Դարի գիրքը* (ՄՁ. Թ. 701):

ՅԱՐՈՒԹԻՒՆ ՎՐԴ. ՊԱՐՈՆԵԱՆ, ՇԱՊԻՆ ԳԱՐԱՀԻՍԱՐՑԻ.— Մբ. Ծ. 1862ին. անտիական հասակին մէջ կը կորսնցնէ մայրը, և